



**Қазақстан Республикасының Үкіметі мен Ресей Федерациясының Үкіметі арасында  
Өзара саудада жанама салықтарды өндіріп алу қағидаттары туралы келісім жасасу  
туралы**

Қазақстан Республикасы Үкіметінің қаулысы 2000 жылғы 6 қазан N 1504

Қазақстан Республикасының Үкіметі қаулы етеді:

1. Қазақстан Республикасының Үкіметі мен Ресей Федерациясының Үкіметі арасында Өзара саудада жанама салықтарды өндіріп алу қағидаттары туралы келісім жасалсын.
2. Осы қаулы қол қойылған күнінен бастап күшіне енеді.

Қазақстан Республикасының  
Премьер-Министрі

Қазақстан Республикасының Үкіметі мен  
Ресей Федерациясының Үкіметі арасындағы  
Өзара саудада жанама салықтарды  
өндіріп алу қағидаттары туралы

Келісім

Бұдан әрі "Тараптар" деп аталатын Қазақстан Республикасының Үкіметі мен Ресей Федерациясының Үкіметі,

1994 жылғы 15 сәуірдегі Еркін сауда аймағын құру туралы келісімнің

және 1994 жылғы 15 сәуірдегі Еркін сауда аймағын құру туралы келісімге  
Өзгерістер мен толықтырулар енгізу туралы хаттаманың ережелерін басшылыққа  
ала отырып,

экономикалық ықпалдасуды одан әрі тереңдетуге, шаруашылық жүргізуші  
субъектілер үшін тең мүмкіндіктер жасауға және адал ниетті бәсекелестік  
жағдайларын орнатуға ұмтыла отырып,

халықаралық сауданың жалпы жұрт таныған нормалары мен ережелерін назарға ала отырып,  
мына төмендегілер туралы келісті:

## 1-бап

### Жалпы айқындамалар

Осы Келісімнің мақсаттары үшін мынадай терминдер қолданылады:

"жанама салықтар" - қосымша күн салығы және акциз;

"нөлдік ставка" - тауарларды (көрсетілген қызметтерді) әкету кезінде акциздерден босатуды және қосымша күн салығының нөл пайызға тең ставкасын білдіреді. Нөлдік ставканы қолдану салық төлеушіге материалдық ресурстар бойынша қосымша күн салығын есептеуге (өтеуге), сондай-ақ, алдағы

төлемдердің есебінен төленген салықтарды есепке алуға немесе олардың өтелуіне құқық береді;

"нысаналы елі" - кедендік аумағына тауарларды (көрсетілетін қызметтерді) әкелу жүзеге асырылатын мемлекет;

"шаруашылық жүргізуші субъектілер" - Тараптар мемлекеттерінің салық төлеушілері.

## 2-бап

### Келісімнің мәні

Осы Келісімнің мәні Тараптар мемлекеттерінің шаруашылық жүргізуші субъектілерінің арасында сыртқы сауда операцияларын жүзеге асыру кезінде жанама салықтарды өндіріп алу қағидатын белгілеу болып табылады.

## 3 - б а п

### Тауарларды әкету кезінде салық салу қағидаты

1. Бір Тарап мемлекетінің кеден аумағынан әкетілетін және екінші Тарап мемлекетінің кеден аумағына әкелінетін, экспорттың кедендік режимінде орналастырылатын тауарларға Тараптардың ұлттық салық заңдарына сәйкес нөлдік ставка бойынша жанама салықтар салынады.

2. Осы баптың 1-тармағының ережесі газ конденсатын қоса алғанда, табиғи газға,  
м ұ н а й ғ а қ о л д а н ы л м а й д ы .

#### 4 - б а п

Тауарларды әкелу кезінде салық салу қағидаты

1. Осы Келісімнің 3-бабының 2-тармағында санамаланғандарды қоспағанда, екінші Тарап мемлекетінің кеден аумағынан әкетіліп, бір Тарап мемлекетінің кеден аумағына әкелінетін тауарларға нысаналы елінде оның ұлттық заңдарына сәйкес жанама салықтар салынады.

2. Осы Келісімнің 3-бабының 2-тармағында санамаланған және бір Тарап мемлекетінен шығарылатын тауарлар осы Келісімнің қатысушысы болып табылмайтын мемлекеттің кеден аумағынан екінші Тарап мемлекетінің кеден аумағына әкелінген жағдайда, осы екінші Тарап мемлекетінің кеден аумағында оның ұлттық заңдарына сәйкес жанама салықтар салынады.

#### 5 - б а п

Қызметтерді көрсету кезінде жанама салықтарды қолдану тәртібі

1. Қызметтер көрсету кезінде жанама салықтарды қолдану тәртібі жеке хаттамамен ресімделеді. Осындай хаттаманың күшіне енуіне дейін көрсетілген қызметтерге Тараптар мемлекеттерінің заңдарына сәйкес жанама салықтар салынады, оларға мынадай қызмет көрсетулер жатпайды:

а) жөнелту, тиеу, түсіру және қайта тиеу жөніндегі қызмет көрсетулерді қоса алғанда, екінші Тарап мемлекетінің кеден аумағына бір Тарап мемлекетінің кеден аумағынан әкетілетін тауарларды тасымалдау және қызмет көрсету жөніндегі қызметтер;

б) жөнелту, тиеу, түсіру және қайта тиеу жөніндегі қызмет көрсетулерді қоса алғанда, тауарларды жөнелту немесе нысаналы пункттері Тараптар мемлекеттерінің аумақтарында орналасқан жағдайда, транзиттік тауарларды тасымалдау және қызмет көрсету жөніндегі қызметтер;

в) екінші Тарап мемлекетінің кеден аумағына бір Тарап мемлекетінің

кеден аумағынан жолаушылар мен жүктерді тікелей және кері бағытта тасымалдау жөніндегі қызметтер.

2. Осы баптың 1-тармағының "а", "б" және "в" тармақшаларында санамаланған қызметтерге, оларды Тараптар белгілейтін тәртіптерге сәйкес көрсету фактісі расталған жағдайда, осындай қызмет көрсететін салық төлеушілердің мемлекетінде нөлдік ставка бойынша қосымша құн салығы

салынады.

## 6-бап

Тауарлардың өткізілуін және жанама салықтардың төленуін бақылау

1. Тауарлардың өткізілуін, есеп жүргізуге және ақпарат алмасуға бақылауды жүзеге асыру мақсатында Тараптар Тәуелсіз Мемлекеттер Достастығының Сыртқы экономикалық қызметінің тауарлық номенклатурасын (ТМД СЭҚ ТН) пайдаланатын болады.

2. Екінші Тарап мемлекетінің кеден аумағына бір Тарап мемлекетінің кеден аумағынан тауарларды әкелу (әкету) кезінде жанама салықтарды өндіріп алуды және олардың төленуі жөнінде бақылау жасауды осы Келісімге қатысушы мемлекеттердің кеден және салық органдары жүзеге асырады.

## 7 - б а п

Келісімнің орындалуы

1. Осы Келісімді түсіндіруге немесе қолдануға байланысты

келіспеушіліктерді Тараптар келіссөздер арқылы шешетін болады.

2. Тараптар қажет болған жағдайда, осы Келісімді іске асыру барысын бағалауға және оған өзгерістер мен толықтырулар енгізудің орындылығына консультациялар жүргізетін болады.

## 8-бап

Келісімге өзгерістер мен толықтырулар енгізу

Тараптар өзара келісім жағдайында осы Келісімге қажетті толықтырулар мен өзгерістер енгізеді, олар Келісімнің ажырамас бөлігі болып табылатын жеке Хаттамалармен ресімделеді.

## 9-бап

Келісімнің қолданылу мерзімі

1. Осы Келісімнің күшіне енуі үшін қажетті мемлекетішілік рәсімдерді Тараптардың орындағаны туралы соңғы жазбаша хабарлама алынғаннан кейін

2001 жылдың 1 шілдесінен бастап осы Келісім күшіне енеді.

2. Осы Келісім бес жыл мерзімге жасалады және егер Тараптардың біреуі кезекті мерзім аяқталардан кемінде 6 ай бұрын оның қолданылуын тоқтату ниеті туралы дипломатиялық арналар бойынша жазбаша хабарламаса, келесі бесжылдық кезеңдерге өздігінен ұзартылады.

\_\_\_\_\_ қаласында 2000 жылғы " \_\_\_\_ " \_\_\_\_\_ әрқайсысы қазақ және орыс тілдерінде екі түпнұсқа дана болып жасалды және екі мәтіннің күші бірдей.

Қазақстан Республикасының                      Ресей Федерациясының  
Үкіметі үшін                                      Үкіметі үшін

Оқығандар:

Багарова Ж.А.  
Икебаева А.Ж.